



奉茶

電視台報紙攏捌報過「柴山雅座奉茶隊」心適的故事。隊員踮「雅座亭」設立「歡喜奉茶站」，二十幾冬來做伙出錢出力，對山跤揸水桶起來，內底貯『RO』過濾水，逐工愛控(khàng)成點鐘久的山路，人、水恰善心鬥陣跔山，日鬚、山雲恰清風熱情做伴，一路歡歡喜喜來到鬧熱的休息站。個共羊角豆仔、糙米、麥仔、洋參恰紅薏仁下(hē)落去燃，勻勻仔共挺身體的好茶園入去保溫的大『suí-tóo』。柴山綴西子灣(Se-á-uân)海湧的節奏跳『bàn-bò』，遮是高雄人五星級的健身房，無分好額散，無論佗位的人，攏會使來奉茶站歇喘，順繼哈一杯仔燒沸沸的芳茶。

「奉茶」講來是臺灣人的好傳統。教師節的時陣，學校特別安排囡仔手捧(phâng)茶杯仔，用樸實的禮數表達千恩萬謝，受益的學生會曉感激，付出的老師得著感動。咱人娶新婦的時陣，嘛有一个趣味的「奉茶」儀式。媒人婆手牽新娘，新娘手捧茶盤，出來大廳請新郎的親友食茶。有喙水的長輩會講好話，腹內有膏的就落(làu)四句聯仔，勢tih人的序大會滾耍笑創治新娘仔，場面弄甲鬧猜猜，眾人笑甲喙仔裂獅獅。落尾一杯茶啣予焦，隨人紅包啞咧茶甌仔下跤，新娘恰未來的親情就按呢生，變做親厚厚的一家伙仔囉！

古早交通無利便，毋管是出門作穡、揣朋友開講抑是備辦代誌，步步攏著怙(kōo)行的，一迤路不止仔寫遠，毋但行甲會跤痠手軟。若是拄著日頭燒燐燐(hannh)，人磕袂著曝甲堅乾，喙焦喉渴叫毋敢。佳哉好心好行的人真濟，有的佇路邊，有的佇樹仔跤，有的跔廟埕的頭前，攢一跤大茶鉗，園一塊倒匱的甌仔，邊仔詵(tshāi)牌仔寫兩字「奉茶」。這鉗茶贏過救命仙丹，袂輸菩薩救苦救難，啞的人喙裡生津，心花開甲親像咧放煙火！

這馬飲料擔開甲窒倒街，食水食涼輕輕鬆鬆，路邊的「奉茶」無閤時行。這號禮數行入「以客為尊」的生理場所，對遊覽車、賣場、餐廳到驗車場，毋但奉茶，甚至寒人(kuân--lâng)攢薑母湯，熱人(juáh--lâng)有汽水予人客啞迴海。奉茶的形式百百款，總是茶輕心意重，恰「柴山雅座奉茶隊」的真心全款，飽漬的人情味溢滿咱的世間！

作者：黃文達

☆詞彙學習☆

【山雲】suann-bông：山嵐、山中的霧氣。

【羊角豆仔】iunn-kak-tāu-á：決明。

【挺】thiānn：補強。

【suí-tóo】：水壺。

【bàn-bò】：曼波舞。

【tih】：戲弄。

【親厚厚】tshin-hòo-hòo：熱絡。

【備辦】pīn-pān：準備、籌劃。

【怙】kōo：依靠、憑藉某種方式來達到目的。

【寫遠】tiàu-uán：遙遠。

【磕袂著】kháp-buē-tiòh：動不動就……。

【堅乾】kian-kuann：乾枯變硬。

【倒匱】tò-khap：向下覆蓋著。